

toani Teotlehuac, oquicuc in tlatocayotl in tzihuac tlatonac inin oquix in tlatocayotl yepohuali xihuitl. Ipan inin teutlatoani ynemiliz.

Mexica Atitlan, toltic, acatitlan zanic omic inin Teutli oquimaceuh in tlatocayotl ce ypiltzin ca inicuac omic iniatzin ye quin oquipiaia ce xihuitl auh itoca Tezozomocli ca inoquic ohueiata ipanpa otlatocatic ini nantzin ini toca Cihuaxochitl, nahui xiuhlica qui huicac inin tequitl, auh zatepanian omotlatocatl ini Piltzin ca oquinozque nezentlaliliztica mochintin ini macehualhuan inicuac omic iniatzin, auh ahmo mitoa Tleinic ahmo tlatocatic ini nantzin zanic onca momati inic yenuhuixiuhlica quipiaia in Piltzintli ye quitlacamahtaya mochintin in pipiltin cenca huey ixtlatqui catca, ynic yehueyatiuh, auh mitoa ocuicac in tlatocayotl Nahpoalixiutl. Ipan ini tlatocayo oquititlanili in Teutli Texcalticpac, ce Acaxitl yztac cenca mahuizauhqui oquihueutilli ica iteuclauhtiloca, oceliloque in Tetzoco tlatla ipanpa in colhuaca-teutli cuanexcaye tlatocatia ipan tlaxcalteca tlaplan huel paca ocoxayotica quin mocelili inin tetitlantin huel quin mocnelilli necehuiliztica.

INIC V CAPITULO.

Ipan mopohua inic omo yeyantico Poyauhllan in Tlaxcalteca inuan in yaoyotl oquichihque inicacuac mixnamique in nahuac in Mexica tepaneca.

Mo pohua mitoa inipan inin zaza nilamauh in Tlaxcalteca oquimaicuilo ce pilli itoca Benito ytzac maacehtli ceme ynachtopa omachtiloque ipanpa in Teopixque *Franciscanos* in matica oqui celli innequayatequilliztli ihuan pehua quitoa totlacuilol amapan otech hual machtitaque in tachtohan to colhuan, totahuan ca ipan in huey tlalli *Aztlan* ololhuitoya in Mexica, Tlaxcalteca, Otomime, Totonactin, auh ompa omoxexelotiaque, in mexica ohualquizque achtopa cebilpoali ihuan na-

hui xiuhlica; zatepanian ye ocatcaya in tlaxcalteca chicomoztoc oquin hualy cantocataque, oquin hualycanaya ce tlaoc canque itoca ce tecpatl oconenel ohualazico Mexico atemohuic ye manticatca in cequintin atitlan, acactic, toltic ynizquitlacamancan. Auh zano quin hualpanahuitiquizaco, ahmo intlan omotlalique ohualpanoque ihuan omocehuico yancuican chalcohuic atenco ompa Theopoyauhltan, in iteuh oncan oquiquetzque quitocayotiaia camaxtli *mixcohuatl*. Auh inin iztlacateotl nel tentzone Ixhuitzaltic icpac qui maniliaya inicuac cahuil quename in axcan *mitxa* quitlalia in Teopixcatlatoque, tlaquentitoc ica Iztac tilmatl, oquipiaia ica Itlahuitol, chichuah mamalhuiztli, tetotocamitl mintli, acalli, mochi hixitlan huic manticatca, onca yecate pacayotica necehuiliztica atlan, cuauhtla, Tepetlan oyaia Tlamatihue, huey tlaminque yuh quitotemia ca nel in tlauhuitol ocualhuicay xicomitl tetotocamitl mintli onca canaia tepzolime, totochtin cuauhtotolin, Mazame ozelome cuamiztin tecuanime: inic omotlayecoltiaya auh ahmo yanezqui inic yemixnamique innahuac innatolhuaque ihuan Tepaneca inic yepuehqui quilnamiqui Yaotl inic tlaplan Atlytic quin hualyahualoque in chichimeca oquicemito in acolhua yhuán Tepanecatl mochin.

Lozque inin cuecihque chichimeca ahmo cualli nican totlan onozque, ma tiquinpehuacan onpa teotlixco inic yequin Yaomanilique cenca huey miquiliztli omotac in cepan huic inon tlamapan momictiani Mitoa ca ynomique Pipiltin Mexica yei xiquipili auh in macehualtin ahmo opohualoque, auh ini mézo inomique nel onpa ocallaquito amanaloian Chimalhuacan miequintin inotzitzquiloque mexica oquimelteque in chichimeca ixpan in iteuh *camaxtli* oquin huenmanilique inic yecan oquin maquixti ipan inin Yaotl: Inih opanoc quimilhui inin teuh ma aoque in tzalan inahuahuic tiecan in mexica mathuian onpa in Teotlixco aicomo inpan tlaneziz tonaz tlahuiz, Yehualquiza in teopoyauhltan opanoque Amaquemecan oquinyehualoque in Popocatepetl oquizaco ic'ocopetlayocan,

Atlixco teyecac calpitzco onca omocauh-tiaque cequintin ihuan oc cequintin oyaque *Chololan* Totomihuacan, Cuauhtitlan Tecalco, Oztoticpac auh inohualaque mitoa motenehua *Texcalticpac*. Onca oazico Xochitecatitlan Tetenayocan Mitzco huepalcalco Inic ye tleco Ipan in tetepe iztaque onca omoteaque in chichimeca omocentlali que yetoque paquiliztica in aoque aca quin cuechuitiz oquihualhuicaia chichnauh mamalhuiztli inic oquiquixtiaya in tletl icotlachinoaya zano quimatiloaya inin mapiltzalan onca yemanticate, omotlayecolitiaya ica intlen oquimamaya opeuhque ye quitlalia huey tezacualli inic nohuiampa itlaltamachiuhpan, tepetla Ixtlahuacan huic, atlauhtzalan ynic ye quichicahualotitaque inin netlalitoca opanquetztaque quauhtzacuali quimantiaque, ipan huey otli, yeccan catca inic oquichia ya inaquine yaotl quilnamiquizquia iniuh yeopeuhca auh neli melahuac inin tetzacuali tepantli, ahmo oquichihueque ic mo palehuizquia; ca oquichihueque ypanpa ynaquineque oquit.

Cachtizque ica inimahuizauhca tlachihual inin huelitiliz inin tlaca; in yehuantin huel incenyolo Pachiuhticatca inoquimilhuyaia inin Teuhcamaxtli, ca cemicac tlacaxicoque yezquia nican ipan inin yeyautli opehuazquia ynintlatocayo. Ypan inin cahuitl ye tlatocatia Huexotzinco. Inin yaoyecancauh itoca Xiuhtlehui ynic yequimitac in tlaxcalteca ye motzatzacâ tetzacualan cenca ic omomotzahuaia inin yollo, oncan hualay in nahuac miec tlaca tlatlamapan oquincetilitaya in tlaxcaltecatl tlatoani ahmo ma oquilcauh in tlenquil namictinencan onca omocentlali oquitlacuauhytô inic yaotl oquinchihuiliz in texcalticpac chichimeca, oquintitlan ziyuhca tiacahuan ompa ynahuac in mexicatl tepanecatl ca yetla tocatia in Huitzilyhuitzin, quimonahuatili quilhui, ca in chichimeca catca Teopoyauhtlan yninecocolyinihuan ye oquimaxcatitaya mochi in tlalli cenca hueycayotl necocolli inic mochintin quin quixtilitaya ini maxca inin tlatqui inin huelih ca ye mochi in tlen oquitaya oquinequia, quimaxcatizque ynicen.

In tlalli, huel in camatica nonochipa omocauia auh ca amo ytlanequiliz, in tlatoani quincahuilizquia in tlal ynic yolchichique Tlahueleque. Zanic oquimocaquiti in teuh-tlatoani Huitzilyhuitzin Mexicatl, Tepanecatl iniltaitlaniliz inic otitlanoque inititiacahuan y xiuhtlehui tlatoani Huexotzinco omocuiltono yca initlachihual, huel melahuac quimaticacca cemicac aic omixnamica ayc omococolica ynin mochtin cepatlaca nomatica oqui ohuicamat inic qualpalehuizquia yoloquimatloya cenca huey cayeque ynomoma huiliaya mopolozquia ipan ynin yaotl maci yhui amo nel oquin cemixnahuatl in titiacahuan yca iniytlaniloca yni nepalehuiloca oquinnahuati omeyotitih caniman oconneltilizquia iniltatoltzin, ohualazquia quipalehuizquich inic quimixnahuati in titiauhcahuan huexotzinco occe campa oquin hualtitlan occequintin yetlan nencahuan oquinahuatito in Tlaxcalteca texcalticpac catca yn tlen ymicahuic.

In huexotzinco tlatoani melahuac quincacuztilique in titiacahuan tepaneca yuh quin monahuatilique.

Innamehuantiztin Pipiltin, Tlalmaceuhque ypan inhuécapan Tetepe Tlaxcalanhuic, ma xic momachitican, ca tititlano tititiacahuan in huey Pilli momatzin, mo ampotzin Huitzilyhuitzin in huel qui mo pilpialia in hueyatl Chalco atl, Tenochtitlan, auh yehuatzin mixtmonahuatilia, quena in macehuatlin Huxotzinco yhuan yniyaoteyecancauh xiuhtlehui otlatitlan quimitlanilia ynic quipalehuiz amohuicopahuiztinco ytech in yaoyotl quilnamiqui amech mochihuiliznequi inic amech mococolia ca quitlatlauhtia inin totlatocatzin amotlacopahuiztinco tontitlano; quihualtitlaniliz tlacatl quipalehuizquihue itech inin necentlalili, auh niman quimonetoltili, ihuan quinequi quititlaniliz, mazoneli yhui amo tlen intechcopa tenmachialoz inin hualyaloca zannecayahualiztica yetozque.

Amo tlen quilnamiquizque, amo quihucazque ynitzcuahuitl, initztemaitl amotlacopanhuiztinco, caye inin in tlanahuatilli amech hualmotitlanilia ynic melahuac ameyolotzin cenyetoz, ca yehuatzin noce ini macehualhuan, amo amech moyolitla-